

اِسْتِغْنَا

نومبر ۱۲

بجانب

۲۷ تشرین ثانی ۱۳۲۴

اجمال داخلی

صوك منتخب ثانی شملکاری - باب عالی جاده سندن چکرکن - مطبوعات و انتخاب آلائی - سفارت اجنبیه اوکلرنده فضله نمایشلر - وقار مزی غائب ایتیم - بالقان قومیتیه سی - نه به چالیشیوردی - مستربوقستون و بلغارلر - قومیتیه ده تحول افکار - ماکدونیه ده بلغار مظالمندن خاطرات - مستربوقستون و بز - مستربوقستون فضیلتله فضیحتی مقایسه اعلی : اتحاد و ترقی جمعیتی و بلغار قومیتیه لری - احوال ولایات - بصره - طالب بك - سوابق ، حامیلری - طالب بك مبعوث ! - بغداد نه وقت « بهشت آباد » اوله جق ؟ . . . - دیار بكر - ویران شهری قومیسونی زده لرده ؟ - اناتولیده قحط و سفالت - دانش بك قومیسونی - مدینه ده شقاوت - مکه فاجعه سی - فرزو بك وقعه سی - متروویچه حادثه سی - کوپرلیده تیاترو و عسکر .

استانبول ۲۵ تشرین ثانی ۳۲۴

شهر مزده منتخب ثانیلرک انتخاباتی وسیله سیله اجرا ایدیلان شملکلر ختامه ایردی . صوك اجماللرمده بیان ایلدیکم وجه ایله روملر طرفندن ایقاع اولنان مشکلاتدن دولایی درجه ثانیه انتخاب معاملاتجه اماناندن کیر و قلمش اولان بك اوغلی دائرة بلدییه سی داخلنده کی محلاته عائد انتخاب صندوقلری دخی مسلسل ، غلبه لك جماعتلرله و بك منتظم و نظرافت پرستانه ترتیب اولمش بر آلیله بخشنیه کونی استانبوله کچیریلرک باب عالی ، حربیه نظارتی ، اتحاد و ترقی جمعیتی مرکزی و مجلس مبعوثان دائرة سی اوکلرینه کتیرلمش ، بوقافله جسمه نك کذرکاهنه بیغیلان خلقدن بلا فاصله : « یشاسون قانون اساسی ! یشاسون ملت ! حریت ! » آوازده لری یوکسلمشدر . پولیس و ژاندارمه دن بشقه بری و بحری همان هر صنف عسکردن برر مفرزه نك اشتراکیله پک زیاده رونق و احتشام کسب ایدن آلیده . مسلم و غیر مسلم مکاتب ابتدائیه چو جملرینک وطن پرورانه شرقیلری بزى آغلاتدیغی کبی مسلم و غیر مسلم اولان مملکتک مختلط پولندیفی یکانه مکتب اولمق اوزره قاله بیلیمش اولان مکتب سلطانی طلبه سنک اوزون برقانه تشکیل ایتیش اولدقلری حالد مرورلری اناسنده دخی عینی سرشک ممرتله کریان اولدق . اولاد وطن بوشملکلرک معناسنی و قدرینی ظن اولندیغندن زیاده تقدیر ایدیورلر . هیئتک باب عالی جاده سندن چکرکن غزته اداره خانهلری اوکننده رفع

ایلدیکی : « یاشسون مطبوعات ! یاشسون عثمانیلرک حر مطبوعاتی ! » تقدیرات و تمیانتدن « استشاره » ال سورکلی ، ال واسع بر صورتده حصه مند ایدلش و هیئت تحریریه من ارکان اصلیه سی طرفندن مقابله شکر کذاریده بولینلمقله برابر الده بولنان بر مقدار « استشاره » نسخهلری هدیه نمایشکرانه سر یلمش در . بعضلری دوشمرکن ایلمشیدیکی اغاج دالاردن سواری عسکرک مزراقلریله النان « استشاره » نسخه لرینی استقبالدیکی تهالک بر آردلق اودرجهیه واردی که قضا وقوعندن احترازاً اللمزده کی صوک نسخه لری آیقویغنه مجبور اولدق . مع هذا بولنلرده اوطه مزه قدر جیقمق زحمتی اختیار ایدن بعض معارف رور کنجلره قسمت اولدی .

انتخابات ملاسه سیله اجرا اولنان نمایشلر ، شندکلی نمایشلر ، نه قدر مصیب ایسه اکثریا ال عادی وسیله لرله سفارات اجنبیه اوکلرنده ، حوالیلرنده مأمورین و افراد طرفندن یاییلان نمایشلر ، ولوکه تحسین و تشکر صدندن اولسون ، اوقدر مناسبتر ، فضله ، ناجادر . اداره مشروطه مزک ایلك هفته لرنده احتیاط وصحت تفکری کیده ریر ، مستحیل قیلار درجه لره واران غلیان حیات سوقیله یولای یولسز بر سواری نمایشلر اولدی ، کجدی ، اما بوندن صوکره کی نمایشلر مزده سبب و مقصدی لایقیله دوشونمکسزین حرکت ایدرسک اغیار نظرنده خفت وجهائله اتهم اولنورز . . . بلکه ده اولندق ! بویقوتازدن طولانی لیانلر مزده حمله لرینی چیقاره میان آوستریا سفن تجاریه سنه حرب کیلری ترفیق اولنه جنی سوزی دولاشدینی صرده لوندردن بر تلغراف کلیور ، کیمک طرفندن تلقین ویا کشیده اولندینی بللی دکل ، بونده اگر آوستریا حکومتی تجارت کیلرینه حرب سفینه لری ترفیق ایده جک اولورسه انکلترونک بزه معاونت ایچون دونمسانه امر ویره جکی محرر . انکلترونک حرب کیلرینک بزم ایچون آوستریا سفن حربیه سی طویه طومتغه مهیا بولندقلرینی فرض ایدن واحوال حاضرده شوکابلکه ایسانان مأمور واهالیدن بر جمعیت انکلترونک سفارت خانه سنه قوشیور : نطقلر ، « یاشسون ! . . . » لر ، شکرلر ! آرتق افراطه واران بونمایشلره مقابله دن یورولش اولان سفیر

کورنیور ، باش ترجمانده میدانده یوق ، ایکنجی ترجمان چقیبور ، ایکی کله ایله برده وهرانس یاپوب چکیلیور . . . ایکی کون صوکره انکاتره صولرمزده کی دونمائی عیالۀ مالطیه چاغیریور . ولوندره غزته لرینک پک هملرندن وشمیدی قاینه اعضائی کبی لیه رال اولانلرندن بری بویقوتی آوستریانک حیثیت وشرافی کسر ایده جک بر صورتده ادامه وتشدید ایلدیکمزدن طوتدیره رق بزه آجی سوزلر سویلدیکی کبی «تایس» ده دخی عجیب برتحول لسان کوزه چارپیور . . . ینه مثلاً مورشتغ پروگرامنی بیرتمسندن اوواج - متروویچه دمیریولی امتیازی آلوب بالقانلرده پک خودکامانه برخط حرکت طوتدیره رق سوء یتنی اظهار ایلتمسندن ونهایت بوسنه وهرسکی ضمیمه ملکی ایتمسندن طولایی آوستریالیله پک قیزغین اولان روسلرک بعض مطبوعاتنده بزه ملایم وموافق کورونور سوزلره تصادف اولنیور ، درحال برفرقه نمایشکار تشکیل ایدیوریریور ، روسیه سفارت خانه سنه کیدیور ، برچوق کورلنیلر ایدیور . واوراده ده برایکنجی ترجمان طرفندن استقبال وتشییع ایدیلیور . - بزبوکونه حرکتلری خفیفلک و افراط پرورلک اولمق اوزره کورپیور . بر آژانس تلغرافی ، برغزته فقره سی اوزرینه اکلامه دن ، دیکلمه دن ، دوشونمده دن شو بوسفارته قوشوبده اظهار شکران ایچون نه قدر کله وارسه صایوب دوکدکن صوکره جدی ، لازم ، مقید برنمایشده نلردیه - جکزکه دینامش اولسون ، دینلرک قوت ووسعت معناجه فوقنده بولسون ؟ . . . تاریخ بیلمیورسقی اوکره نلم ، اوروپانک ماضی وحالی احاطه ایله بیله لم ، مناسبات و اوضاع سیاسیه ده صحیحاً مدرک ، متبصر اوله لم ، درست محاکمه ایدلم ، تاکه کولنچ اولیه لم .

عالم بزه باقیور . کمال صبر ووقار ایله وجوده کتیردیکمز انقلاب مسعود اوزرینه حقمزده پیدا اولان حسن نظرک دوام ویا زوالی بزم صورت حرکتمزه باغلیدر . بزی یقیندن کوروب اکلامق اوزره اوروپانک درت کوشه مندکن کلن یک معتبر آدملر ایجمزده بولنیور . . .

شو میانه ده بالقان قومیته سی رئیس واعضاسینی نخطر ایدیورم . بالقان

قومیت‌سی بر قاج بیل اول لوندردده آشکل ایتش ایدی. بوجمیتک اعضای نظرندده بلغارلر تمدنه استعداد و سائر فضائل قومیهجه دیگر بالفان اقوامندن یوکسک بر موقعدده بولندقلرنندن ترک‌لرک آدم اولهمیه جقلرنی ذهنه یرلشدیرن قومیتیه بالفان شبه جزیره سنده بلغارستانک تفوق و تعالیسی استحضاره و ما کدونیانک وحق سائر ولایات عثمانیه‌نک صوفیه به باغلامسنه چالشیور ایدی. بلغارلرک ما کدونیا‌ده کی افعال اختلالیه سنک کیفیتی، بیچاره ترک‌لرک استبداد بجه سنده فصل ایکلادیکی کوز اوکنه کتیریلیرسه مستربوقستون جنابلرنک ریاست ایتدیکی قومیتیه‌نک وسائط تحقیقیه‌سی یک نقصان اولدیغنه، افکاری تغلیط ایدلایکنه حکم ایتک ضروری اولور، نته کیم آره لرندده عوام قارده‌سی اعضای کی ذوات متحیزه بولنان بالفان قومیتیه‌سی اعضای اله ریسنک بکون بزله متایل بولغاری انی کوستریور. ما کدونیا‌ده کی جنایتلری اعتباریه بلغارلر سویله بیلیر، تشویق و ترفیعه دکر ملت دکادی. بلغارلرک غایه‌اجرا آتی توسیع حدود وروم ایلیده کرک نظری کرک فعلی اوله‌رق بروجه استقلال بردولت جسیعه حائنده حکومت اولیوبده صرف عثمانی طوبراغنده کی هم جنسلرنی رفاه و سعادتک درجات رفیه‌سنه ابصال ایلمک ایدیسه‌ده بومقصددن یک اوزاق دوشه‌شلردی. زیرا جمعیات اختلالیه‌نک اعمالی ظلم و استبداددن و شبابه جهالتدن عاری کورمک آرزوق ممیز و فطین بر بلغار نظریله دخی قابل اوله‌مازدی. روملری تدبیش مقصدیه درامده استرومنیچده، خانه احراق، قصبه اورته‌سندده بومبا اشعالی، یتیم یاشنده اختیار و آناقوجاغنده جوجق اسیرکه مکسیرن نفوس متعدده قتل کی وقایع قله پوشتا کوبنده کی روملرک کافه‌سنی اولدیرمک و مسکنلرنی یاقق خجیه‌سی داخل اولدینی حالمه باره جمعی بولنده ایقاع ایدیلان جنایانه قیاساً عادی نمایشلردن عبارت قالیردی. مقدملری اعانات نقدیه‌نک اختیاری اولوب اولمدینی بزجه محقق دکلسه‌مازمنه اخیرده کورولوب ایشیدیلان حادثات ولایات عثمانیه‌ده کی بلغارلردن قومیتلر نامنه جبر و تهدید ایله باره آلدینی اثبات ایدیوردی. تیکوش قومیتیه‌نک تفنک اشتراسی ایچون ویردکلیری ایکی یوز لیرانک محل استعمالی نامنه برسلاح

کورمدگری حالدہ مطالب جدیدہ متحکمانہ سی قارشوسندہ قالان تیکوشایلری
 اخافہ ایچون برشخصی چارشو اورطہسندہ اتلاف ایتسی ؛ مفرداتی الہ کین
 بردفترده مقید سکر بیک لبرا اعانہ ویرمش اولان جمعہ بالا حلقندن تحصیلات
 جدیدہ قومیتہ نک ارزوسنہ موافق اولمامسی اوزرینہ لاقلا اون بش نفوسی قتل
 ایدملک قریہ قالماسی ؛ منلک دخی جمعہ بالاایلہ ہم حال اولمسی ؛ برکوی پاپاسنک
 اوج لبرا ویرمامسندن طولانی سیروز وویوہدہ سی طرفندن قتلی یوزلرجه مثال
 جملہسندن در . اون بش یکرمی خانہلیسنہ وارنجہیہ قدر سیروز و تیمور حصار
 کویلرینہ وقوع بولان مالایطاق تکلیفات و تهدیداتک حکایہ سی اوزون اولملقہ
 برابر موجب تأثر در . بلغار قومیتہ لری - الہ کیریلوپ مندرجاتی اشاعہ اولنان
 اورافندن اکلاشلدیغی اوزرہ - محکمہ حیثیتی دہ المشدیدی . برکوبدہ ظاہرہ
 اخراج ایدیلان اوراق عدلیہ قومیتہ لک صفت حاکمیتی اجرادہ نہ قدر مدقق ،
 خرده شناس اولدق لرنی کوسترمشیدی . برکوبیلنک اوندہ برجوز دالی بولنش ،
 کندیسنہ عائد دلکش ؛ ایکی مجیدہ جزای نقدی ؛ بریکری اوکوزلرینہ زیادہ جہ
 قیرمہ ویردیکندن طولانی اوغلنہ برطوقات اورمش ؛ اون بش غروش جزای
 نقدی ؛ ینہ برکوبلی قومیتہ رئیسہ استرینی عاریت ویرماش ؛ سکسان غروش
 جزای نقدی ؛ تیمور حصارک برقریہسندہ برشخصہ کریمہ سی کوی بکجیسنہ
 ویرمسی قومیتہ طرفندن امر ایدلش ؛ قزبکچی قاریسی اولق ایستامش ؛ زواللی
 پدر بوامری انقازایدہ مامش ؛ یاریم لیراجزای نقدی ؛ بربلغار قاریسی احباسندن
 بررومک خانہسندہ برکیجہ مسافر قالمش ؛ اوج لبرا جزای نقدی ؛ - بلغار
 قومیتہ لرنک قانون جزاسی افعال بشریہدہ مباح بیلدکار مزک برچوغنی احتوا
 ایدسیوردی . مع هذا شوجزای نقدیلر قومیتہ لک اتخاذ ایتدگری صفت حاکمیتہ
 باقیلنجه اک مشروع مأخوذات اولق اوزرہ طائقی لازم کلیردی . تأمینات
 تحصیلہ ضرب ، حیوان اتلافی کبی تدایر مؤثرہدن متشکلدی . جزای نقدیلرک
 منصفانہ و معتدلانہ اولدیغنی اعتراف ایتلی ، چونکہ قومیتہ لک احتیاجاتی پک
 واسعدی . مأمورین عثمانیہ یالکر کرمان قریہ سی جواراندہ کی برمغارہدہ متعدد

صندوق طولیسی فشنگ و دینامیت ، کلیتی تفنگ و قومیتیه بیکرله فرانغه مال اولمش بر بومبا انداخته مخصوص ماکنه بولمشیدی . — قومیته نك مقررات عدلیه سنده شاعرانه جهتلر بیه واردی . برکوی معلمه سی عاشقی اولان قومیته اعضاسندن بر معلمك زیارتنه کتعمدیکی ایچون اتهام اولنمش ، یاریم لیرا جزای نقدی ویره رک قور تلمش ایدی . فقط تیمور حصارك برکوینده کی پاپاس محلی قومیته رئیسك ارزوسنه مغایر اوله رق بر قیزی تزویج ایلدیکندن بش لیرا جزای نقدی اعطاسنه محکوم ایلدیشیدی . زخنه نك بر قریه سنده کی قومیته رئیس حظوظات نفسانیه نك تسکینه وساطت ایتلمی امرنده اهالی بی بلغار کلیساسندن افتراق ایله بطریق خانیه رجوعه مجبور قیله جق قدر بیزار ایلدیشیدی . بعض طرفلرده بوکی ازدواج و معاشقه حادثه لری جزای نقدی ایله نتیجه لئامشیدی ، نته کیم درامده برکویده قومیته رئیس قریه پوسته جیسنه وارمق ایستیمان بر قیزی چیپلاق اولدینی حالده بایلنجه یه قدر دوکش و کیمسه یه تزویج اولنماسنی کویک پاپاسنه تنبیه ایتمش ایدی . — معاملاته هیچ بر سلامت و نصفت حکم ایتماش اولان قومیته لر افرادی کندی آرملرنده تأمین وفاق ایدر ماهیتده دکلردی . شو عدم ایستلافک بعض یرلرده تظاہراتی شایان تذکاردر . منلك قضاسنده بولنان ایکی بلغار قومیته سی آرمنده ضدیت اودرجه یه وارمشیدی که قضا داخلنده یاقلمدق کوی ، افرادندن بری اولسون قتل ایلدک عااله بر اقلمامشیدی . قادین و جوجق قنک قانی ارککلرک قانیله قاریشق آقشیدی . بو نفاق اختلال فرقه لری خارجنده کی اهل قریه سرایت ایلدیکندن بونلرده یکدیگری بی بوغازلامغه قویولمشلردی . — مناسر اختلالیوننه اغلیتله بلغارستاندن کله اشخاص ریاست ایدیوردی . شونلر محب عدالت و حریت کچین بلغارستان ادخالنندن اولقله برابر ایچلرنده بکنلمیه جکلر واردی . مثلا قره چوه دائرة اختلالیه سنده — بلغارلر ما کدونیه ای ترتیبات اختلالیه نقطه نظرندن بر جوق اقساه . دوازه آیرمشلردی — بر وویوده ، که بلغارستان خلقندن و بلغار ضابطانی متقاعدلرندن ایدی ، قره چوه دن بلغارستانه عودتنده بر طاقم بلغار یوچیلرینی حیدودجه صویوب قرق الی لیرالینی آلدینی کی خلقی اولان

شخص ده صوفیه ده بولدینی سکزاون آی ایچنده تحصیل ایلدیکی یار، نك كافه سی عیش وعشرت یولنده صرف ایتش ایدی. مع ذلك بونلر سلائیكده کی رؤسادن بعضینه قیاس اولنورسه ضررسز کوریه بیلیدی. سیروز دائرة اختلالیه سی داخلنده معروف بر سر کرده قورشونلرندن بر جوق بلغاری بيله اسیرکه مامشیدی. اعداد ايله یتیمیان شوخایع خاطر لانیسه بالقان قومیه سنك وسائط تحقیقیه سی پك نقصان اولدیغنه، افکاری تغلیط ایدلیکنه حکم ایتك فصل ضروری اولماز؟ دنیاده نظیری کورلماش براداره مستبد و ظالمه یی اولدیرمکه، شو قوجه مملکتده حریت و مشروطیتی کوکاشدیرمکه عزم ایتش اولان « اتحاد و ترقی » جمعیتك صبر و احتیاطی، بصیرت و عقل و درایتی، ناموس کارانه باشند باشه مشروع و پاک اجرا آتی اساس اعمالی حرص و طمعدن عبارت اولان بلغار اختلال قومیه لرینك جاهل، خوزیز، حیدود و سائط ايله اجرا آتی قیاس ایتك زمانی بالقان قومیه سی ایچون کیشدر. مکاتب عالیه مزده، باش و کیلمزك قوناغنده، ضیافتدن ضیافته کزدرک جمعیتك استانبولده بولنان بعض ارکان و اعضا سیه مناسبت دائمه ده بولنان مستر بوگستون و رفقای آرتق بوندن سوکره هانکی طرفك حمایه و محبت لایق اولدیغنی عیاناً کورور. تعیین ایدرلر. بز ترکارکین طوتار بر قوم دکاز. شونقطه نظر دن سیاست علمنجه عجمی، ابتدائی عد اولدسق بيله بز خویمزدن خشنودز. بز شو حال مزده کندی حال مزجه فنا بر سیاست کور میوزز. انک ایچون مسافر لر من بولان مستر بوگستون و افراد عالمه سی و بالقان قومیه سی اعضا سی کمال تربیه و تراکتله سلاملار و ماضی بی اونودوب بز ی کندیلر یله دوست کوره جك استقباله تحویل و نصب نظر ایلرز.

استقبال مملکت بعض ولایاتك احوالی اعتبار یله شو آردلق پکده تابنك کور ندیکنی اعتراف ایتلی. دور استبداده کویا آورو با افکار عمومیه سی لهمزه اماله ایچون اولا پارسده و اورادن قوغولدقن سوکره بروکسلده چیقسان « اوریان » غرضه سی کبی هر حادثه یی تکذیب و بر جوق و قایعدن سکوت مسلکی طومش کورون « تقویم وقایع » ک تکذیب و پاسکوتنه رغماً بصره دن دیار بکردن

قطعه حجازیه دن ، بعض اطاولی ولایت لرندن و آرنالودلقدن ابی خبرلر آلتیور .
 اخیراً شورای دولت اعضا لغندن آچیکه جیقاریلان طالب بک بصره بی هرج
 و مرج استدکن صوکره مبعوثلغه انتخاب اولمش . ولایتدن بک ابی مبعوثلر
 کلدیکنی کال منت و شکران ایله کوروب قید ایدرکن بو انتخاب خبری بزى هم
 متحیر هم متأثر ایلدی . طالب بک ابو الهدانک بک سوکیلیسی ، محمدی ایدی .
 ممدوح پاشا داخلیه نظری ایکن شیخ افندیکن غایت قوتلی التماس و اخطارلرینه
 رغماً کیم بیلیر نه سبیدن طولانی طالبی نجده متصرف انها ایتمیشیدی . اول
 وقت ایشدیکمه کوره ممدوحله ابوالهدانک آرملری باش کاتب تحسین پاشانک
 اهمیتله توسط و شفاعتی استلزام ایده جک مرتبه لرده آچیلمش و مع هذا طالب
 بک نجده متصرف ایتدیرلمش ایدی . انقلابدن اول او محترم آرمه بنده کزرا
 کوردیکمز طالب بک نجده آل سعدونی اورمش و اورالک شمدیکی اغتشاشانک
 اسبابی مکملأ حاضرلامش ایدی . نجدهدن کلیتی آلتونله دون طالب بک
 استانبولده النده قالان ثروته اور پاطلاسون ، چال اویناسون علمنه دالوب آندن
 چیرل چپلاق چیقمش و کندوسی کبی بصره لی اولان زهیرزاده احمد پاشانک
 حیدر پاشاده قوشو یولنده کی خانه بنده سیغورطه لی اشیاسیله مستجرأ و طورورکن
 کوشکک یانمسی درلو روایتلر دورانه باعث اولمش ایدی . شمدی طالب بک
 مبعوث اولمش ، کلپور ! بصره اهالیسی مجلس مبعوثانمزه بوفنا و یونی اویناماملی ایدیلر .
 بصره نک قومشوسی بغدادده مأمورین عدلیه من ایچنده معروف سیمالردن
 بری اولان نجم الدین بک تعیین اولندی . نجم الدین بک استیفاف مدعی عمومسی
 ایکن انقلاب عثمانیدن صوکره عدلیه دائره سنده او قدر صندالیه دکشدیردی که
 صوک مأموریتی شوسطرلری یازدیغم ائنده خاطر لایمورم . نجم الدین منلابک
 سیلانیکده مدعی عمومی ایکن اغتشاشات ائناسنده بلغار اختلاجیلرینک محاکمانده
 تمیز ایدرک استانبوله کتیرلمشیدی . بوراده کندیسنک سوق ایدلمدیکي مردارایش
 قالمدی . ماضیدن قطع نظر ، بز بغدادک محتاج اولدیغی والی بی نجم الدین بکک
 شخصنده کوره میورز . مع ذلك فکر مزدن خطا ایتدیکمزی قریباً کور مکدن

بيوك املمز يوقدر .

شرقيات عشيرتي رئيسي بشار حميده وبيكباشيلرندن كنجو اغانك اوغلي حسين امضاليله « يوزانديون » . چكيلن تلغرافنامه مندرجاتي صحيح ايسه ديار بكر احوالي پك فنادر . شرقيات يزیدی عشریتدن قادین ، ارکک چوجق يوز الای کشی صوك درجه سفالت ايچنده ديار بكر مرکزينه ويران شهر جوارندن كيدرلر كن چوقات عشریتك تعرضنه اوغرايوب ۱۳۷ كشيی قتل اولمش . حامل قادینلر ك قارنلری ياريله رق جينلری طيشاری چيقارلمش . عشایر آره سنده منازعات و مقاتلات اكسك دكلسده صوك زمانلرده تجاوازانك بشقه بر رنك وحشت آلدینی كوريليسور . تقويم وقایع ك تكذیبه رغماً محقق اولان ويران شهر قتلك تحقیقاتنه مأموراً اورايه كیده چك هیئته دائر سوزلرینه باطدی .

اناطولی ولایتلرندن قحط وسفالت خبرلری پك سوزشلی اوله رق كليور . وقيله مشير شاكر پاشا مرحومه برلكده اناطولیده مفتشك اتمش اولان سالنيك واليسى دانش بك رياستي التده بر قوميسونك تحقيق احوال ايچون اناطولی به كیده چكي مسموع اولدی . ويران شهر هیئت تحقیقیه سنه عارض اولان بطايتدن دانش بك قوميسونك مصون قالمسني تمی ایدرز .

مدینه جوارنده بنی علی قبیله سی تحکم و ایقاع فضایح ایلدیکی کبی مکده دخی عصیان و اختلال پك فجیع صفحات کوسترمکده در . وارد اولان بر مکتوب مندرجاتنه نظراً تشرین اولك اوتوزنجی کونی بلده مبارکده وقوع بولان بر حادثه وحشیانه بزی درین درین دوشوندیردی . عربان قره قوله هجوم ایتشلر ، بنایی یاقشلر ، بر آوج عسکر مزه یوزلرجه شریف علی طرفداری هجوم ایدرک بیچاره لری باربارجه اولدیرمشلر ، اوله که جان چکیشلر ، حق اولمشلر بيله صویا خنجر ، ضربلرندن مصون قالماملشلر . بو قارغشعلق اناسنده کعبه نك اورتیسى دلیك دشیك اولمش : اوپوشیده صاریلان بر قاچ عسکره دخی آمان ویرلماش . وقعه نك سبی اداره سابقه کندیلرینه حجاجدن واهالیدن منافع غیر مشروعه تأمین ایدنلرک الی آرتق بو کبی منفعتلردن قصر ایدیچی

تدابیر اصلاحیه و مانعك اتخاذی در . جدهیه وصولی خبر آدیغمز شریف حسین پاشاك سانی ، كه حجاج ظالمدن نمونه در ، طرفدارلریله حكومتی دهاجوق اشغال ایده جك ظن اولنور . بو موسم حج ده بویله . كله جکی امین و آسوده كورمك میسر اوله جقمسی ؟ فرزویك ده ، متروویچه ده و کوپرلی ده دخی برر حادثه ظهور ایتشد .

برزینك قباش قریه سی متعیناندن رستم اغا غالی فیائنه ارزاق عسکریه متعهدلكنی ایدینه مامكدن متولد اغبار ایله باشنه برسوری ارنجایون طوپلایه رق اهمیتلیجه بر عصیان چیقاردیغندن اوزرینه بر قاج طابور عسکر و طوپ سوقه مجبوری حاصل اولمش و حكومت مشروطه نك بویله جسارت و عزم ایله حرکتی كورن بتون او خذله طاغیلوب قاجشلردر . حاجی رستم اغا مؤخرأ دخالت و استیما ایتشد . متروویچه نك بوله طین قریه سندن اولوب اداره سابقه نك انعام و احسانلرینه غرق اولمش اولان عیسا دخی مكلفیات نظامیه دن وارسته قالمق سوداسنه دوشوب مأمورین تحصیلیه و سارهیه سلاحه مقابله ایتدیكندن انك ده اوزرینه بر طابور عسکر كوندرلمش و عسكردن بش نفر شهید و رقاچ مجروح و قوعندن صوكره شقی یارملی اوله رق تحصنكاهندن همپالریله برلكده پوسكوردلشدر . — کوپرلی وقعه سنه كلنجه بو بشقه بر وادیده در . برله و قره چوه حوالیسنده کی افراد احتیاطیه مسلحاً تیاتروییه کیروب اهالی و ضابطانی جبراً طیشاری چیقارمشلر و ایرتسی كونی آدیبلرینه تشب ایدلدیکی ائنده سلاح چكمشلر . بر ضابط ایله التی نفر مقتول و بر ضابط ایله سكرز نفر دخی مجروح اولمش . نهایته الامر افراد ترك سلاح و تسلیم نفسه مجبور قالمشلر ایسه ده بو وقعه عسکر طرفندن اهالییه و ضابطانه قارشو ایقاع اولنق حسبیه دیكرلرندن يك فرقلی و مؤسقدر . اداره سابقه ده عسكرك شوراده بوراده صیق صیق طاشقینلقلرینه چارناچار آیشلمش ایدی . ذاتاً بو طاشقینلقلرك علقی اداره مستبده نك طور معلومی ایدی . فقط اداره مشروطه اردوی عثمانیده بویله زوربا و عاصیلری چكمز . نته كیم طاش قشله وقعه سنده اردونك حیثیق

يك كوزل محافظه ايدليو بردی. بونكه برابر كو پرلی وقعه سنك اسباب اصلیه سی
محتاج ایضا حدر. ابن الضیا

اجمال خارجی

احوال سیاسیه حالا برنك ثابت كسب ایدم یور، هر كون ظهور یافته
اولان یك یكی برطاقم وقوعات و حادثات احوال سیاسیه به بر شكل دیگر و پرور و وقوعات
و حادثاتك كه مهمی ایتالیا قاره سنده حكومتك خارجی پولتیقه سی اوزرینه جریان
ایدن مذاكرات اولوب كرك بونلك صورت جریانی و كرك بو اساده خارجی
ناظری موسیو تیتونی طرف سدن وقوع بولان بیانات بالخاصه يك زیاده جالب
دقندر. ایتالیاك اتفاق مثلثه اولان رابطی سی يك ضعیف اولدیغنی و و یانه ده
ایتالیان طلبه نك اوغرا دیغنی تجاوزاتك بورابطه ضعیفه بی برقاندھا رخنه دار ایتدیكنی
كچن هفته یازمش ایدك. مع هذا ایتالیا قاره سنده کی مذاكراتك منحصرأ و یانه
حادثات الیمه سنك تأثیری تحتیده جریان ایتدیكنه حكم ایتك جائز دكلدر بویه
اولسه ایدی مجلسك احتوا ایتدیكى فرق متعدد سیاسیه نك كافه سی یكربان اولمز،
سریع الزوال برطاقم تأثیراته زبون اولمیان ارباب ثانی و احتیاط البت جریان
مذاكراتی تعدیل ایدم جك صورتده اداره لسان ایدردی. لکن ایتالیا، قاره ده
وقوعی نامسبوق بر صورتده اتحاد افكار كوستردی. اك بنام و نافذ الكلام
مبعوثلر ایتالیاك اتفاق مثلثدن مستفید اولمادیغنی، بوسایه ده یالکز آوستریانك
كندی آمال و منویاتی ترویج ایدم كلدیكنی در میان ایتدیلمر. هله موسیو فوریتسك
بو باده کی نطق يك بلیغ ایدی، مومی الیه « ایتالیا حكومتی آوستریانك خدمتی
قاریسی در كه سنده بولنامیلدر » حكمی اوقدر پارلاق بر صورتده توسیع و تشریح
ایتدی كه بتون مبعوثانك شدتلی القش لرینه مظهر اولدقدن بشقه باش و کیلی
موسیو جیولتی بیله یرنده طورده مدی، قافندی، بوبدیغ و بلغ سوزلی مبعوثی
آلئندن اوپدی. . . . بتون ایتالیا غزته لریده موسیو فوریتس حقنده مقالات
تبریکه درج ایتدیلمر. . . لکن ایش بوقدرله ده قلمدی. خارجی ناظری موسیو
تیتونی ایتالیاك خارجی پولتیقه سی تشریح ایتدیكى هنگامه، اوزمانه قدر مجهول